

Nr. 2 datë 4.2.2016

PËR SHPALLJEN E THIRRJES SË PARË PËR FINANCIMIN E PROJEKTEVE, NGA GRANTI 1, “INFRASTRUKTURA VENDORE DHE RAJONALE”, PROGRAMI I ZHVILLIMIT TË INFRASTRUKTURËS VENDORE DHE RAJONALE, SHTYLLA I, PJESE E FONDIT PËR ZHVILLIMIN E RAJONEVE, PËR VITIN 2016

Në mbështetje të nenit 100 të Kushtetutës dhe të nenit 15 e të aneksit 3, të ligjit nr. 147/2015, “Për buxhetin e vitit 2016”, Komiteti për Zhvillimin e Rajoneve

VENDOSI:

1. Shpalljen e thirrjes së parë për financimin e projekteve nga Fondi për Zhvillimin e Rajoneve për vitin 2016, sipas shtyllave, programeve dhe granteve të financimit, si më poshtë vijon:

1.1 Granti 1, “Infrastruktura vendore dhe rajonale”, Programi i zhvillimit të infrastrukturës vendore dhe rajonale, shtylla I, pjesë e Fondit për Zhvillimin e Rajoneve

1.2 Drejtimet e thirrjes së parë për financim janë për:

a) Projekte që shërbejnë si katalizator i rivitalizimit të qytetit, përmes jetëzimit të hapësirave publike e të ekonomive lokale, përmirësimit të aksesit e të lëvizshmërisë, rivitalizimit të poli-qendrave urbane dhe të përmirësimit të infrastrukturës vendore.

b) Projekte të zhvillimit rajonal, të fokusuara në përmirësimin e infrastrukturës së ndërveprimit ekonomik, që adresojnë një nevojë të zhvillimit social-ekonomik rajonal, përmirësojnë aksesin rajonal, ndërrajonal dhe rivitalizimin e qendrave rajonale.

2. Aplikimi për financimin e projekteve të përmendura në shkronjën “a”, të pikës 1.2, të këtij vendimi, bëhet nga njësitë e qeverisjes vendore.

3. Aplikimi për financimin e projekteve të përmendura në shkronjën “b”, të pikës 1.2, të këtij vendimi, bëhet nga dy ose më shumë njësi të qeverisjes vendore, me marrëveshje partneriteti të lidhur midis tyre, si dhe nga Agjencia Kombëtare për Zhvillimin Rajonal, agjencitë për zhvillimin rajonal nr. 1, nr. 2, nr. 3 dhe nr. 4, Agjencia për Zhvillimin Ekonomik Rajonal dhe Fondi Shqiptar i Zhvillimit, me marrëveshje partneriteti, të lidhur midis agjencisë/Fondit Shqiptar të Zhvillimit dhe 2 ose më shumë njësite të qeverisjes vendore.

4. Në rastet e projekteve me disa përfitues nën skemat e partneritetit ndërvendor dhe rajonal ose në raste të tjera të veçanta, në marrëveshjen e partneritetit midis përfituesve caktohet autoriteti kontraktor që i propozohet Komitetit për Zhvillimin e Rajoneve për miratim. Komiteti miraton me vendim autoritetin kontraktor për zbatimin e projektit, i cili mund të jetë njëri prej përfituesve, dhe/ose Agjencia Kombëtare për Zhvillimin Rajonal, dhe/ose Agjencia për Zhvillimin Rajonal, dhe/ose Agjencia për Zhvillimin Ekonomik Rajonal, dhe/ose Fondi Shqiptar i Zhvillimit.

5. Ngarkohen ministri i Zhvillimit Urban, ministri i Financave dhe Sekretariati i Përgjithshëm i Komitetit për Zhvillimin e Rajoneve, në Kryeministri, për zbatimin e këtij vendimi.

Ky vendim hyn në fuqi pas botimit në Fletoren Zyrtare.

KRYETARI
Edi Rama

Zëvendëskryeminstri
Ministri i Financave
Ministri i Zhvillimit Ekonomik, Turizmit,
Tregtisë dhe Sipërmarrjes
Ministri i Zhvillimit Urban
Ministri i Transportit dhe Infrastrukturës
Ministri i Arsimit dhe Sportit
Ministri i Bujqësisë, Zhvillimit Rural dhe
Administrimit të Ujërave
Ministri i Shëndetësisë
Ministri i Kulturës
Ministri i Mjedisit
Ministri i Punëve të Brendshme
Ministri i Shtetit për Inovacionin
dhe Administratën Publike
Ministri i Shtetit për Çështjet Vendore
Kryetari i Shoqatës së Qarqeve të Shqipërisë
Kryetari i Shoqatës së Bashkive të Shqipërisë /
Përfaqësuesi i Bordit të Agjencisë për Zhvillim Rajonal nr.1
Kryetari i Shoqatës për Autonomi Vendore /
Përfaqësuesi i Bordit të Agjencisë për Zhvillim Rajonal nr.2
Përfaqësuesi i Bordit të Agjencisë për Zhvillim Rajonal nr.3
Përfaqësuesi i Bordit të Agjencisë për Zhvillim Rajonal nr.4

Zēvēndēskryetar
anētar;

anētar
anētar;
anētar;
anētar;

anētar;
anētar;
anētar;
anētar;
anētar;

anētar;
anētar;
anētar;

anētar;

anētar;
anētar;
anētar.

**Shtojcë I: KALENDARI ME AFATET E APLIKIMIT DHE
VLERËSIMIT TË PROJEKTEVE**

Afati	Institucioni përgjegjës	Aktiviteti
Botimi në "Fletoren zyrtare"	Komiteti për Zhvillimin e Rajoneve	Hapja e thirrjes për projekte në grantin, programin dhe shtyllën e financimit, sipas pikës 1, të këtij vendimi.
22 shkurt 2016 (afat për projektet e pikës 1.2/a)	Aplikuesit sipas pikës 2 të këtij vendimi, si më sipër.	Dërgimi e aplikimeve nga aplikuesit, si më poshtë vijon: 1. Aplikimi online në faqen elektronike të e-albania: Shërbimi: Aplikimi online për FZHR https://e-albania.al/sherbimi.aspx?kodi=7203 .
14 Mars 2016 (afat për projektet e pikës 1.2/b)	Aplikuesit sipas pikës 3 të këtij vendimi, si më sipër.	Ose 2. Aplikimi me shkresë zyrtare (postë ose dorazi), ku dosja e plotë e aplikimit (në CD) dërgohet pranë sekretariatit teknik përkatës, si më poshtë vijon: a) Shtylla 1 - "Programi i zhvillimit të infrastrukturës vendore dhe rajonale", - granti 1: "Infrastruktura vendore dhe rajonale", sekretariati teknik pranë Ministrisë së Zhvillimit Urban Shkresë zyrtare drejtuar Sekretariatit të Përgjithshëm për Zhvillimin e Rajoneve, me njoftimin dhe listën e projekteve të aplikuara, të renditura sipas prioritetit. Pranë Sekretariatit të Përgjithshëm për Zhvillimin e Rajoneve, pranë Këshillit të Ministrave, <u>nuk dorëzohen dosjet e aplikimit, por vetëm njoftimi i aplikimit.</u>
5 ditë pune nga mbyllja e aplikimit	Sekretariati teknik përkatës	Vlerësimi teknik e financiar i projekteve të aplikuara, sipas pikës A, shtojca III.
	Sekretariati teknik përkatës	Sekretariati teknik paraqet zyrtarisht pranë Sekretariatit të Përgjithshëm listën e projekteve me vlerësimin përkatës teknik dhe financiar.
5 ditë pune nga përfundimi i vlerësimit nga sekretariati teknik	Sekretariati i Përgjithshëm i KZHR (Njësia e Zhvillimit dhe Planifikimit Strategjik)	Vlerësimi i impaktit dhe përputhshmërisë me politikën kombëtare për zhvillimin lokal e rajonal, sipas pikës B, shtojca III.
	Sekretariati i Përgjithshëm i KZHR (Njësia e Zhvillimit dhe Planifikimit Strategjik)	Përgatit materialet për vendimmarrje për Komitetin për Zhvillimin e Rajoneve

SHËNIM – Procesi i vlerësimit

- Vlerësimi i projekteve të aplikuara kryhet në dy faza. Faza e parë përbën vlerësimin teknik, ligjor (administrativ, dokumentacioni) dhe financiar të projekteve, sipas kalendarit të dhënë në shtojcën 1, bashkëlidhur këtij vendimi. Vlerësimi teknik, ligjor (administrativ, dokumentacioni), dhe financiar i projekteve, sipas kriterëve teknike të përcaktuara në shtojcën III, bashkëlidhur vendimit, kryhet nga sekretariati teknik përkatës, i ngritur pranë ministrisë së linjës, sipas aneksit 3, të ligjit nr.147, datë 17.12.2015, "Për buxhetin e vitit 2016", dhe shtojcës 1 të këtij vendimi.
- Sekretariati teknik i paraqet zyrtarisht Sekretariatit të Përgjithshëm të Komitetit për Zhvillimin e Rajoneve, sipas afateve të përcaktuara në shtojcën I, bashkëlidhur këtij vendimi, listën e plotë të projekteve me vlerësimin përkatës, të bërë sipas kriterëve të përcaktuara në pikën A, të shtojcës III, bashkëlidhur vendimit.
- Faza e dytë e vlerësimit të projekteve bëhet sipas afateve të përcaktuara në shtojcën I, të këtij vendimi. Gjatë kësaj faze, Sekretariati i Përgjithshëm i Komitetit për Zhvillimin e Rajoneve kryen vlerësimin përfundimtar të projekteve, bazuar në kriteret e përcaktuara në pikën B, të shtojcës III, bashkëlidhur vendimit.

Shtojcë II:**FORMATI I APLIKIMIT PËR PROJEKTET****Ky format plotësohet për të gjitha projektet**

Aplikuesi (*)	Përcaktohet automatikisht nga sistemi.
Data e aplikimit (*)	Përcaktohet automatikisht nga sistemi.
Titulli i projektit (*)	
Shtylla e Financimit (*)	Të përcaktohet për cilën shtyllë aplikohet. (sipas Aneksit 3 të Ligjit nr.147, datë 17.12.2015, "Për buxhetin e vitit 2016")
Programi i projektit (*)	Të përcaktohet për cilin program aplikohet. (sipas Aneksit 3 të Ligjit nr.147, datë 17.12.2015, "Për buxhetin e vitit 2016")
Granti i projektit (*)	Të përcaktohet për cilin grant aplikohet (sipas Aneksit 3 të Ligjit nr.147, datë 17.12.2015, "Për buxhetin e vitit 2016")
Data e fillimit të projektit (*)	
Data e mbarimit të projektit (*)	
Shtirirja hapësinore e projektit ☐ Lokal ☐ Ndërlokal ☐ Rajonal ☐ Ndër-rajonal	Në rastet kur aplikuesi është bashki shtirirja e projektit mund të jetë lokale ose ndërlokale kur projekti shtrihet në më shumë se një bashki. Në rastet kur aplikuesi është agjensi zhvillimi rajonal, shtirirja hapësinore do të jetë rajonale ose ndër-rajonale kur projektet i tejkalojnë kufijtë e rajonit aplikues. Për aplikimet, për projektet e shkronjës "b", të pikës 1.2, të këtij vendimi, njësitë e qeverisjes vendore duhet të bashkëngjisin në aplikim, edhe marrëveshjen e partneritetit të lidhur midis 2 apo më shumë bashkive. Për aplikimet, për projektet e shkronjës "b", të pikës 1.2, të këtij vendimi, agjencitë aplikuese duhet të bashkëngjisin në aplikim, edhe marrëveshjen e partneritetit të lidhur midis tyre dhe 2 apo më shumë bashkive.
Përshkrimi i projektit (*)	Të bëhet përshkrim i detajuar i projektit të propozuar, duke përmblotur informacionin e mëposhtëm, por jo vetëm: - Vendndodhja e objektit të investimit; - Përshkrimi i kushteve të objektit ekzistues (nëse ka) dhe terrenit, si dhe nevojës për këtë projekt; - Përshkrimi i punimeve/ndërrhyrjeve të reja (sistem ngrohjeje, mur rrethues etj.) në objektin ekzistues (nëse ka); - Cilat janë problemet që adreson ky projekt dhe shkalla e ndikimit të tij; - Risqet për zbatimin e tij; Informacion i qartë në lidhje me pronësinë e tokës (nqs parashikohet ndërtimi i një objekti të ri), nëse krijon vonesa në zbatimin e punimeve, krijon kosto shtesë (kosto e shpronësimit), kush e mbulon koston e shpronësimit, si edhe dokumentacioni përkatës.
Qëllimi dhe objektivat (*)	Të paraqitet qëllimi i përgjithshëm i projektit si dhe objektivat specifike të tij.
Numri i përfituesve (*)	Të jepet numri i popullsisë që përfiton drejtpërdrejt dhe tërthorazi nga zbatimi i projektit në total. Vlera e dhënë të shoqërohet me shpjegim për secilën kategori përfituesi.
Rendi prioritar (*)	Në rastet e aplikimit të më shumë se 1 projekti për të njëjtin program, renditini projektet sipas prioritetit/nevojës për ndërhyrje (numri 1 për shumë prioritar, numri 2 për më pak prioritar e

	kështu me radhë).
Qëndrueshmëria e projektit (*)	Të përshkruhet në mënyrë analitike, nëse për këtë projekt aplikuesi parashikon: - Kosto për mirëmbajtjen e projektit, pas zbatimit të tij; Nëse po, specifikoni sa është vlera e parashikuar, si do të sigurohet kostoja e parashikuar, etj.
Fondet e kërkuara nga Fondi për Zhvillimin e Rajoneve (*)	Në rast se projekti nuk ka bashkëfinancim nga njësitë qendrore, njësitë vendore apo nga donatorë, kostoja që kërkohet është e njëjtë me koston totale të projektit.
Kontributi në rast bashkëfinancimi nga njësia e qeverisjes vendore	Paraqitni nivelin e bashkëfinancimit, në rast se projekti ka bashkëfinancim nga njësi qendrore, vendore, donatorë apo nga Fondi Shqiptar i Zhvillimit
Financim nga donatorë (opsionale, nqs ka donatore)	Të jepet vlera e donacionit në monedhën lekë.
Financime të tjera (opsionale, nqs ka donatore)	Të jepet vlera e financimit në monedhën lekë.
Kostoja totale e projektit (*)	
Projekti ka një analizë kosto-përfitim të cilësisë së mirë (Opsionale)	Po/Jo
Përmbledhje e analizës kosto-përfitim	Të paraqitet një përmbledhje e shkurtër e analizës kosto-përfitim, nëse ka një të tillë
Projekti ka një vlerësim të ndikimit në mjedis të cilësisë së mirë (Opsionale)	Po/Jo
Përshkrim për gatishmërinë e projektit për zbatim (*)	Të përshkruhet nëse projekti është gati për zbatim (pra nëse i disponon të gjitha dokumentet që nevojiten për zbatimin e tij) dhe koha kur mund të fillojë dhe të përfundojë procedura e prokurimit publik dhe kur mund të fillojë dhe të përfundojë zbatimi i punimeve
Dokumentet e miratimit të projektit nga njësia e qeverisjes vendore (*)	Të paraqiten dokumente për të vërtetuar nëse projekti paraqet: - Është në listën e projekteve/nevojave të parashikuara nga institucioni përkatës, me vendim të Këshillit të Qarkut/Bashkisë; - Është përfshirë në listën e miratuar nga këshilli i njësise vendore për financim (kur është parashikuar bashkëfinancimi); - Vendim të bordit kolegjal drejtues (në rast se është agjenci zhvillimi). Për të gjitha rastet e sipërpërmendura të cilësohet numri dhe data e miratimit të vendimit, si dhe të bashkëngjitet një kopje e vendimit/dokumenteve të tjera.
Planifikimi vendor, ndërvendor, rajonal (*)	Të paraqitet dhe të specifikohet nëse projekti është: - pjesë e strategjisë vendore (të bashkisë apo komunës); - pjesë e strategjisë së zhvillimit të qarkut; - pjesë e planeve të investimeve kapitale të njësise së qeverisjes vendore; - pjesë e një plani zhvillimor strategjik (të specifikohet se ç'loj plani). Për të gjitha rastet e sipërpërmendura të cilësohet viti i miratimit të dokumentit strategjik apo planit, si dhe të citohet dokumenti
Dokumentet teknike, etj. (*)	Të sqarohet nëse projekti përmban:

	- projektin teknik/projektin e zbatimit - preventivin - argumentimin teknik - përlllogaritje/parashikim të kostove të mirëmbajtjes së investimit
Koordinatat e projektit (*)	Të hidhen koordinatat e vendodhjes së projektit, sipas sistemit të gjeoreferencuar, në formë teksti
Foto – Gjendja ekzistuese (*)	Imazhe në formatin .jpeg ose .pdf
Pamje 3 Dimensionale (*) i detyrueshem pervec programit Shqiperia Dixhitale	Imazhe në formatin .jpeg ose .pdf

SHËNIM: Dërgimi i Aplikimeve, sipas afatit:

1. Aplikimet për projekte duhet të dërgohen:

- a) Aplikimi online në faqen elektronike të e-albania. Shërbimi: Aplikimi online për FZHR (<https://e-albania.al/sherbimi.aspx?kodi=7203>.)

Ose

- b) Me shkresë zyrtare (postë ose dorazi), së bashku me dosjen e plotë të aplikimit të hedhur në CD, pranë sekretariatit teknik përkatës.

2. Përveç aplikimit si më lart, institucionet aplikuese duhet t'i dërgojnë një shkresë zyrtare Sekretariatit të Përgjithshëm për Zhvillimin e Rajoneve, pranë Këshillit të Ministrave. Shkresa zyrtare përmban vetëm njoftimin për dërgimin e aplikimit pranë sekretariatit teknik përkatës, si dhe listën e projekteve të aplikuara. Lisat e pojektet e aplikuara duhet të jetë sipas prioritetit që i ka dhënë institucioni aplikues. Pranë Sekretariatit të Përgjithshëm për Zhvillimin e Rajoneve, pranë Këshillit të Ministrave, **nuk dorëzohen dosjet e aplikimit**, por vetëm njoftimi i aplikimit.

Shtojca III:

KRITERET E VLERËSIMIT TË PROJEKTEVE (Shtylla 1 e financimit: zhvillimi vendor dhe rajonal)

A. Kriteret e vlerësimit teknik për projektet

Këto kriteret përdoren nga sekretariatet teknike për të vlerësuar teknikisht projektin dhe në bazë të tyre kryhet **vlerësimi, maksimalisht, me 70 pikë**. Kriteret 1 dhe 2 detajohen në nënkriteret përkatëse teknike, nga sekretariati teknik i ngritur pranë ministrisë përkatëse, sipas aneksit 3, të ligjit nr. 147, datë 17.12.2015. Këto kriteret konsistojnë në standardet teknike të domosdoshme për të kualifikuar për vlerësim një projektzbatimi.

Kriteret për vlerësimin teknik të projekteve janë, si më poshtë vijon:

1. Cilësia teknike dhe kostimi, vlerësimi financiar i projekteve të propozuara nga njësitë e qeverisjes vendore. Ky kriter nënkupton se projektet, që teknikisht janë detajuar saktë dhe qartë, si dhe ato projekte, ku kostimi i tyre dhe preventivi janë përpiluar dhe vlerësuar saktë nga aplikanti, me çmimet referencë sipas buletineve etj., do të vlerësohen për financim, duke pasur një vlerësim nga **0 deri në, maksimalisht, 20 pikë**.

2. Niveli i ulët i riskut për zbatimin e projektit, bazuar në elemente të përshkrimit të projektit që orientojnë mbi riskun e mundshëm në prokurimin publik, zbatimin me sukses të projektit dhe përdorimin në kohë të fondeve publike. Ky kriter vlerësohet me **0 deri në, maksimalisht, 10 pikë**.

3. Ndikimi i projektit në shërbimet publike ndaj qytetarëve dhe biznesit, cilësinë e jetës, shëndetin, dhe zhvillimin ekonomiko-social, në përmirësimin e perspektivës për punësim dhe përdorimin e zhvillimin e aftësive, që vlerësohet me **0 deri në, maksimalisht, 20 pikë**, duke plotësuar dy prej komponentëve, si më poshtë vijon:

3.1 Për projektet e pikës 1.2/a, që:

a) prekin qendër qarkun dhe/ose qendër urbane, dhe ndikon në zhvillimin e ekonomive lokale, konsolidimin e strukturës ekonomike të zonave apo poliqendrave të ndryshme. Për këtë komponent vlerësimi përfshin **0 deri 5 pikë**.

b) ka rëndësi të veçantë nga pikëpamja socio-ekonomike, turistike dhe me potenciale për zhvillimin e ekonomive lokale dhe zonave të përmirësuara të biznesit. Për këtë komponent, vlerësimi bëhet me **0 deri në, maksimalisht, 5 pikë**.

c) rivitalizimi dhe rikualifikimi urban, ku synohet përmirësimi në qendra të mëdha urbane, përmes nxitjes së bërthamave social-kulturore, të shërbimeve publike, të trashëgimisë kulturore etj. Për këtë komponent, vlerësimi bëhet me **0 deri në, maksimalisht, 5 pikë**.

d) ndikon në rehabilitimin mjedisor të zonave të degraduara, parqe urbane dhe krijimin e korridoreve të gjelbër ndërqytetas. Për këtë komponent vlerësimi bëhet me **0 deri në, maksimalisht, 5 pikë**.

3.2 Për projektet e pikës 1.2/b, që:

a) prekin më shumë se 2 ose 3 njësi të qeverisjes vendore, dhe/ose rajone dhe ndikojnë në konsolidimin e ndërveprimit socio-ekonomik të njësive dhe/ose zonave të zhvillimit, përmes marrëveshjeve të partneritetit, Për këtë komponent vlerësimi bëhet me **0 deri në, maksimalisht 10 pikë**;

b) përmirësojnë aksesit dhe infrastrukturën e ndërveprimit ekonomik, në nivel ndërvendor, rajonal e ndërrajonal etj. Për këtë komponent, vlerësimi bëhet me **0 deri në, maksimalisht, 5 pikë**;

c) adresojnë një nevojë të zhvillimit socio-ekonomik rajonal, në funksion të rivitalizimit të qendrave rajonale dhe fuqizimit të rajoneve dhe/ose zonave të zhvillimit. Për këtë komponent vlerësimi bëhet me **0 deri në, maksimalisht, 5 pikë**.

4. Numri i përfituesve në mënyrë të drejtpërdrejtë dhe/ose të tërthortë nga projekti. Vlerësimi sipas këtij kriteri kryhet në varësi të numrit të përfituesve/përdoruesve/shërbimeve që përfitojnë në mënyrë të drejtpërdrejtë dhe/ose të tërthortë. Vlerësimi sipas këtij kriteri bëhet me **0 deri në, maksimalisht, 5**

pikë.

5. Analizat apo studimet që janë kryer në lidhje me projektin, si studimi i fizibilitetit, analiza kosto-përfitim etj. Vlerësimi sipas këtij kriteri bëhet me pikë nga **0 deri në, maksimalisht, 5 pikë.**

6. Qëndrueshmëria e investimit nga projekti, që lidhet me faktin nëse janë parashikuar kosto mirëmbajtjeje për projektin në vazhdimësi, të cilat do të merren përsipër nga institucioni aplikues. Vlerësimi sipas këtij kriteri bëhet me 0 deri në, maksimalisht, 5 pikë.

7. Niveli i bashkëfinancimit nga njësitë e qeverisjes qendrore apo vendore apo fondet e donatorëve. Vlerësimi sipas këtij kriteri bëhet me pikë nga 0 deri në, maksimalisht, 5 pikë.

B. Kriteret e vlerësimit të impaktit dhe përputhshmërisë

Këto kritere përdoren nga Sekretariati i Përgjithshëm për të kryer vlerësimin e impaktit dhe përputhshmërisë së projektit, me politikën kombëtare për zhvillimin rajonal, duke vlerësuar një projekt me, **maksimalisht, 30 pikë**, si më poshtë vijon.

Kriteret për vlerësimin e projekteve janë, si më poshtë vijon:

1. Shkalla e impaktit të projektit në krijimin e vendeve të reja të punës dhe vlerës së shtuar nga investimi, si dhe mundësinë për tërheqjen e investimeve të reja. Vlerësimi për këtë kriter përfshin nga **0 deri në, maksimalisht, 15 pikë.**

2. Përputhshmëria me politikën kombëtare të zhvillimit rajonal, dhe objektivat e kohezionit territorial e rritjes së konkurrueshmërisë së rajoneve. Vlerësimi për këtë kriter përfshin nga **0 deri në, maksimalisht, 15 pikë.**